


昭

代

興

馬



昭代典則卷十二

賜進士太子少保刑部尚書晉江黃光昇編輯

吳郡陸翀之校

金陵周曰校刊

建文皇帝

戊寅洪武三十一年閏五月辛卯皇太孫即皇帝位

乙酉高皇帝遺詔曰朕受皇天之命膺大任於世定禍亂而偃兵安生民於市野謹撫馭以膺天命三十有一年憂危積心日勤不怠專志有益於民奈何起自寒微無古人之博智好善惡惡不及多矣今年七十有一筋力衰微朝夕危懼慮恐不終今得萬物自然之理其奚昭代典則

卷十二

一

哀念之有皇太孫允炆仁明孝友天下歸心宜登大位以勤民政中外文武臣僚同心輔佐以福吾民葬祭之儀一如漢文帝勿異布告天下使知朕意孝陵山出園其故無改諸王臨中國無得至京王國所在文武吏士聽朝廷節制惟護衛官軍聽王諸不在令中者推此令從事辛卯皇太孫即皇帝位詔曰天降下民作之君我皇太祖高皇帝受天明命統有萬邦宵衣旰食弘濟斯民凡事有益於天下者無所不用其心政教休明規模弘遠朕以眇躬纂承大統恭依遺詔於洪武三十一年閏五月十六日即皇帝位夙夜祗懼思所以克相上帝寵綏四方以無忝我皇祖之大命永維寬猛之宜誕膺

維新之政其以明年為建文元年大赦天下於戲德惟善政政在養民當遵先聖之言期致雍熙之盛百辟卿士體朕至懷

上皇祖考大行皇帝謚曰高皇帝廟號太祖皇祖妣孝慈皇后曰高皇后○以中書舍人蹇義為吏部右侍郎戶部主事夏原吉為本部右侍郎兵部尚書齊泰太常寺卿黃子澄預參國事

蹇義巴人初名容洪武十八年進士授中書舍人奏事稱旨太祖書義字賜易名命滿九載且用之建文帝即位知太祖欲用義超陞吏部右侍郎原吉相陰人鄉薦遊太學選入禁書諸校戶部主事有劉郎中者忌欲

昭代典則

卷十二

二

陷之太祖棄劉郎中于市建文即位四月即陞戶部右侍郎齊泰溧水人洪武二十年鄉貢明年舉進士歷禮兵部主事會震謹身殿太祖禱郊廟太以官九年無過得陪祀賜名泰三十年陞兵部左侍郎明年進本部尚書太祖嘗召太問邊將姓名太歷數無遺又問諸圖籍太出袖中手冊建簡要詳密太祖大奇之是年閏五月受顧命輔皇太孫時諸王皆尊屬擁重兵專制地嫌勢迫詔諸王歸邸中毋奔喪王國所在吏民悉聽朝廷節制詔下諸王不悅謂此齊尚書疎間我也黃子澄分宜人洪武十七年貢入太學明年進士舉禮部第一授翰林編修陞修撰伴讀東宮累官至太常卿建文為皇上

將坐東角門。謂子澄曰。諸王尊屬。雖重兵。奈何對曰。王僅有護兵。纔足自守。萬一有變。以六師臨之。誰其能支。漢七國。非不強。卒底亡。滅。小大強弱之勢不同。而順逆之理異也。大孫喜每呼子澄黃先生。太孫即位。倚任子澄。謂曰。先生無忘東角門之言。子澄頓首應曰。不敢。遂出與齊太議。削奪諸王兵權。

草兀員省府州縣。○六月以方孝孺為翰林侍講學士。

孝孺台州海寧人。幼精敏。絕倫為文。雄邁醇深。恒以明王道。闢異端為己任。世謂其老復出。洪武十五年。以薦召見。太祖喜其舉動。命皇孫曰。此壯士。當老其才。輔汝。遣還鄉。二十五年。又以薦召至。太祖曰。今非用孝

昭代典則 卷十二

三

孺時。稍擢漢中府學教授。蜀獻王問其賢。聘為世子師。每見陳說道。德王甚喜。為名其讀書之廬曰正學。建文即位。廷臣交薦。召為翰林博士。進侍講。聖降侍講學士。秋七月。廢周定王為庶人。

王初封吳國。錢塘後改封周國。開封。即宋故宮。為府。洪武二十二年。王棄其國。來鳳陽。乃遷之雲南。未行。原還國。至是人告王反。建文命曹國公景隆。即訊之。景隆大索金寶。王不能應。坐王反。逮至京。寘雲南諸子並列流放已而召還南京。

以張鳳李衡趙福張弼汪瀛孫瑞王斌楊忠林良李成張敏劉政為錦衣衛千百戶有差。

鳳等皆西宮殉葬。宮人之父兄。并謂朝天女戶也。官得世嗣。

八月吏部尚書茹常免。以雲南左布政使張統為吏部尚書。

張統富平人。洪武中舉。通經為東宮侍書。陸試左通政。洪武十五年。雲南平。出為左叅政。歷進左布政使。凡土地貢賦。法令條格。祠祀公解。上下典禮。經費程度。悉統裁定。夷民孚悅。遠邇莫安。二十六年。入覲。治行為天下第一。賜璽書曰。曩者討平西南夷。命官撫守。爾統實先。往往今五年。言出則諸夷聽服。令布則四野懽忻。皆由誠信相孚。在共乃職。今年來朝。不待考而朕知其功出。乎天下十二牧之首。故嘉汝績。復命仍治黔南。至是召為吏部尚書。滇人如失父母。

昭代典則 卷十二

四

徵江西處士楊士奇。授齊府審理副。留翰林充編纂官。士奇江西泰和人。早孤。力學。手不釋卷。長游楚中。楚中人皆慕之。至是。廷臣以名儒薦。徵授教職。時年三十六。未任。留翰林充編纂官。尋命吏部考第史館諸儒。尚書張統奏。士奇第一。除齊府審理副。明日復召入翰林。禮部尚書鄧沂免。以雲南右布政使陳迪為禮部尚書。陳迪宣城人。幼。儻有志操。洪武八年。以薦辟為郡學訓導。十二年。以近臣薦。召為翰林編修。陸試講二十四年。出為山東左叅政。二十八年。陸雲南右布政使。至是

徵為禮部尚書

九月長星西隕有聲如雷○冬十月癸亥守心○十一月

監察御史解縉謫河州衛吏

洪武中縉上封事太祖喜之兵部尚書沈縉忌其年少

得上意乞改御史使遠於上縉時直言太祖慰諭賜

鐵曰汝歸且讀書著述縉歸家八年太祖崩縉來奔喪

有司劾縉母喪未葬父年九十違詔奔喪謫河州衛吏

以刑部侍郎張昂掌北平布政司事謝貴張信為北平都

指揮使

張昂澤州人洪武中以人材舉累官刑部侍郎建文初

諸大臣言藩王相繼變告藩國所在宜簡精強謀略有

昭代典則

卷十二

五

威望著為守臣彈壓於是昂出掌北平布政司事與謝

貴並受密命以往

十二月召漢陽知縣王叔英為翰林修撰

叔英黃巖人篤志力學洪武中徵至京師辭還鄉二十

年薦為仙居訓導陞漢陽知縣建文初方孝孺欲復井

田叔英貽書力阻之其畧曰天下之事固有行於古而

亦可行於今者亦有行於古而難行於今者夏時周冕

之類此行於古而亦可行於今者也井田封建之類可

行於古而難行於今者也可行者行之則人之從之也

易難行者行之則人之從之也難從之易則民樂其利

從之難則民受其患此君子之用世貴得時措之宜也

召為翰林脩撰上資治八策曰務問學曰謹好惡曰辨

邪正曰納諫諍曰審才否曰慎刑賞曰明利害曰定法

制皆援證今古可見行事又曰太祖除奸剔穢抑強鋤

梗如醫去病如農去草去病急或傷體膚去草嚴或傷

禾稼是故體膚病去則宜調燮其血氣禾稼草去則宜

培養其根苗深有補於時云

以董倫為禮部侍郎兼翰林院學士

倫在勝國時累辟不起因初擢用單縣儒士張寧寧以

倫薦遣使徵為春坊贊善事懿文太子陳說忠厚太祖

聞而善之擢左春坊大學士太子薨出為河南叅議留

情民瘼嘗上封事數千言皆當太祖心尋以註誤免官

昭代典則

卷十二

六

典教滇南至滇開心訓化不忍鄙夷其人雖蠻童焚豎

皆知向慕帝即位眷念舊臣召至京師遂有是擢賜書

顧老堂三字及髯几王鳴各一倫上表稱謝畧云桓榮

設几杖於太常而不聞有宸翰之賜晏殊題舊學於神

道而不見有几杖之頒自今將杖以戒噎則當思四海

或有飢餒之民憑几以安身則當念一物或有失所之

嘆上甚嘉之

以王紳為國子監博士

紳先翰林侍制紳之子也紳使雲南為元孽梁王所殺

紳甫十三與兄綬事母盡孝母卒哀毀踰禮未幾綬亦

歿紳筑筑憂患中綜理生業而傑然負奇志暇日益

經其百氏窮其指歸宋濂一見器之曰子充有後矣蜀
獻王聞其賢幣聘教授蜀郡紳痛父遺骸求返丘壟白
其情王憫之谷道里費以行至雲南訪求不獲即死所
哀莫號慟幾絕道路悲之至是給事中徐誠等薦之遂
有是擢

詔以監察御史尹昌隆奏疏頌示天下

時帝視朝稍晏昌隆諫曰昔太祖高皇帝鷄鳴而起昧
爽而朝百官戒懼故能庶績咸舉天下乂安陛下嗣守
大業正宜追繩祖武兢業萬幾未明求衣日旰求食常
如不及斯爲庶幾今乃日晏臨朝羣臣宿衛疲于伺候
曠職廢業上下懈弛臣恐播之天下傳之四夷非社稷
昭代典則

卷十二

七

之福也上曰昌隆所言切中朕過禮部可徧行天下不
惟使朕有過人得而知之且俾天下庶官咸能勤于趨
事也

故前軍都督府斷事高巍上書論時政

魏事母至孝母老疾巍奉湯藥不懈母亡廬墓三年洪
武壬戌貢入太學以孝行旌尋授督府斷事上疏欲聖
河南山東北平兵後荒田及抑末技慎選舉惜名器數
事太祖以斷事不稱旨尋謫戍貴州帝卽位上疏乞歸
田里知州王欽應詔辟巍赴銓曹巍上書論時政其畧
曰今欲弱侯王定經制俾萬世無疑臣請借漢爲喻
高起布衣惟秦滅項以定禍亂遂大封同姓分王天下

之半蓋欲藩四夷而禦中國也豈其遺文帝不治之痼
疾哉故賈誼脰脰指股之喻痛哭流涕之嘆無非欲削
六國之意也賴文帝寬厚含容而吳王凡杖之賜折其
強悍不臣之心迨厲王謀反僅廢處蜀郡已不免有尺
布斗粟之譴景帝寬厚不如文考又晁錯輔以刻深徑
削諸侯遂挑六國之禍非文帝付託得人民心輔漢幾
危社稷是晁錯不能辭其責矣我太祖皇帝起類漢高
而神武過之龍飛遼甸汛掃胡元芟劉羣雄混一區宇
四征不定所向克捷際天薄海絕塞窮荒三皇五帝之
所不能服者莫不納貢輸忱爭先恐後雖曰天與人歸
實賴我高皇帝有文王純一之德大行皇后有后妃不

昭代典則

卷十二

八

妬之行則百斯男無不穆穆皇皇宜君宜王者矣故本
宗百世爲天子支庶百世爲諸侯體三代之封建分茅
胙土先封形勢之地陝西百二山河其人勇悍西隣土
蕃以秦府王之山西東襄山河其人剛壯北近胡虜以
晉府王之北平雖無名山大川之限而桑土沃饒廣畜
羊馬其人木皮食肉弓馬是務遼金元藉之各興一代
之業故以燕府王之四川雖曰西南一隅山河阻深劉
備諸葛亮據之而虎視吳魏者也故以蜀府王之其餘
楚湘齊兗寧遼谷代慶肅星羅棋布比之前古雖皆分
封過制而高皇帝之聖謨神慮莫非欲護中國而屏四
夷也今各處親王固多驕逸不削則朝廷綱紀不立削

之則傷親親之恩此我皇上之所難處者也。以臣愚見，不當聽見錯削奪之策。當行主父偃推恩之令。秦晉燕蜀四府子弟，分主於齊、兗、楚、荆、齊、兗、楚、湘子弟，分主於秦、晉、燕、蜀。其餘寧遠、谷、代、慶、肅等府，類比而分王之。少其力而分其地。如此，則藩王之權不削而自弱矣。臣又願皇上待遇親王，薄其貢而厚其恩，常盡親親之禮。其賢如漢之河間獻王、東平王、蒼者，下詔褒賞之。其驕逸不法如漢之淮南、濟北者，初犯則容之，再犯則赦之。三犯而不改者，當合親王告太廟，削其地而廢處之。豈有不順服哉？臣嘗以為人君之有天下，亦如人之有一身也。天下之患有內外，一身之患有腹膚。四夷之患，人

昭代典則

卷十二

九

身疥癬之疾，骨肉之患，人身腹心之疾，疥癬之疾，有時搔癢，命良醫脩方，一掃之而平服矣。腹心之疾，非智識膏肓者不能也。昔賈誼見漢諸侯強盛，故假指股為喻。今臣以一身自體為譬，我皇上乃天君，一心也。所謂具衆理而宰萬物，百體之聽命者也。各處親王乃五臟耳，目、口、鼻、手足也。五臟酸甜苦辣欲不同，手足安逸亦異。目好色耳好音，鼻好臭口好甘，皆本乎心。天君隨其百體之好，則失主宰之道，不隨則擾亂吾心。故醫書云：智者能調五臟和，既和不惟無腹心之疾，而疥癬之疾亦不生矣。噫，五臟和而一身安，一家和而百事遂。里諺曰：家不和而隣欺，臣亦謂國不和而四夷窺。此一理也。

皇上鑒察焉。未逾年，北平兵起，帝如郊壇。

明年將有事於南郊，故特至省牲，漆器嚴飭百官。

召故翰林學士宋濂、孫澤、譚為翰林侍書。○茹常仍以尚書掌河南布政司事。○以王鈺為戶部尚書，鄭賜為工部尚書。○朝鮮國王李旦請老以子芳遠嗣王。

已卯，建文元年春正月庚辰，大祀天地於南郊，奉太祖高

皇帝配。○勅脩太祖高皇帝實錄。

禮部左侍郎兼翰林學士、臺倫右侍郎兼翰林學士王

景彰為總裁，官翰林、詹撰、李貫、國子博士王紳、齊府審理副楊士奇等為纂脩官。

昭代典則

卷十二

十

追尊考妣為皇帝后，祔享宗廟。○立妃馬氏為皇后。○封第九子允熾、允熙為王。

詔曰：朕惟有盛德而不享其報者，必垂慶于后昆。履大

位而不逮乎親者，必致尊于宗廟。此天下之至理，古今

之通義也。昔我太祖高皇帝平定天下，承千載之大統，

皇考懿文皇帝太子蚤登儲位，參決萬機，默施寬仁，陰替

至治，視民如子，錫祐朕躬。太祖棄棄臣民，肆朕嗣登大

位，既謚太祖為高皇帝，孝慈皇后為高皇后，而皇考謚

號未稱。心切悼焉。邇者採羣臣之言，追尊皇考為孝康

皇帝，廟號興宗。皇妣懿敬皇太子妃為孝康皇后。擇日

祔廟。羣臣復謂東宮之號未正，無與共承祭祀。諸弟之

封未定無以夾輔邦家繼以為請已冊妃馬氏為皇后
封弟允熲為吳王允熹為衡王允熹為徐王夫尊親所
以崇孝敬之道正家所以厚風俗之源嘉與萬方同臻
至治宗祖廟謚稱號所以褒顯功德非所當諱今後惟
廟諱如律迴避廟謚稱號勿諱及山林巖穴有懷
材抱德練達政治廉能幹濟之士有司明著實跡禮請
來京授以祿位共安黎庶軍民男婦有八十九十者賜
米一石肉十斤酒三斗九十者加賜帛一疋綿一斤若
身紀杖以上隸卒倡優不與所在鰥寡孤獨貧無產不
能自存者有司歲給米三石令親戚收養無親戚里隣
養之母令失所其有田地荒蕪無人耕種者除其徭賦

昭代典則

卷十二

十一

農桑衣食之本有司多奪民時使得盡力足其衣食學
校風化之源教養英俊以備使用有司宜加意勸勉禁
其習於浮靡務得真材以輔至治民之休戚係守令賢
否官之清濁在考覈公平在內監察御史在外布政按
察司宜公考察果政績異常及闕茸不才奏聞黜陟軍
民義夫節婦孝子順孫及同居共爨五世以上鄉黨稱
其孝友者有司勘聞旌表軍民凡有嫁娶喪葬窮窘不
能自舉者部伍鄰里宗族相資助勿使失所水旱災傷
速開報踏勘賑濟軍中孤兒給粮存恤有定例其篤廢
殘疾無人侍養及年老有丁代役者官軍官宜加撫恤
願還鄉者聽民間有篤廢殘疾不能自存者收養濟

例吏本根使遂其生前代兵後骸骨暴露尚多當掩斂
埋斃之時所在軍民官司即便收瘞衛所勾軍有司照
名發與果戶絕即與除伍

令親玉不得節制文武吏士○改周府紀善周是脩為衡
府紀善

周是脩太和人少孤力學舉明經為霍丘訓導入見高
皇帝問居家何為曰教子弟孝弟力田高皇帝喜擢為
周府奉祠正逾年陞紀善建文初周王有過盡逮府吏
詔獄是脩以嘗諫得免改衡府紀善是時衡王允熹未
之國是脩留京預翰林纂脩數陳國家大計及指斥用
事者之誤國也众怒共挫折之是脩屹不為動

昭代典則

卷十二

十二

更定官制

陞六部尚書正一品設左右侍中各一人位侍郎上改
戶部十二司為民度支金帛倉庾四司刑部十二司為
詳憲比議職門都官四司六部諸司去清吏字罷左右
都御史設都御史一人副僉都御史各一人改通政司
為寺通政使為通政卿通政參議為少卿寺丞增置左
右補缺左右拾遺各一人復置大理寺改為司卿為大
理卿左右寺正為都評事寺副為副都評事司務為都
典簿改太常寺卿為太常卿少卿寺丞分左右又改天
壇祠祭署為南郊祠祭署泗州祠祭署為泗濱祠祭署
宿州祠祭署為新豐祠祭署又增鍾山祠祭署及司園

改光祿寺卿為光祿卿。少卿寺丞分左右。而陞少卿
為四品。省丞二人。增監事二人。改太僕寺卿為太僕
卿。增典廩典牧二員。設騎驎十五羣。遂生三羣。分隸二
署。增少卿寺丞各一人。詹事府增少卿寺丞各一人。賓
客二人。又置資德院。設資德一人。資善二人。其屬贊禮
贊書著作郎各二人。掌籍典簿各一人。國子監陞監丞
為堂上官。增司業二人。省博士學正學錄。增助教十七
人。改鴻臚寺卿為鴻臚卿。分少卿寺丞為左右。而并行
人司於鴻臚寺翰林院。增承旨一人。學士一人。文學博
士二人。省侍講侍讀。學士置文翰文史二館。文翰館設
侍書而改中書舍人為侍書。文史館設修撰編修檢討
昭代典則 卷十二 十二

改謹身殿為正心殿。設學士一人。罷華蓋文華武英三
殿。文淵東閣大學士各設學士一人。文淵閣設典籍二
人。革六科左右給事中。改五城兵馬指揮司為五城兵
馬司。指揮副指揮為兵馬副兵馬。始置京衛武學教授
一人。啓忠等齋各訓導二人。布政司革左右布政使。設
布政使一人。堂上官各陞一級。改按察司為十三道肅
政按察司。改廣東鹽課司為都轉運。鹽使司革五軍斷
事官。及稽仁稽義稽禮稽智稽信五司官。增親王官。賓
輔二人。正三品。伴講伴讀伴書各一人。長史一人。左右
長史各一人。審理正典膳正奉祠正良醫正典寶正並
去正字。審理付等改為副審理等。郡王賓友二人。正四

目一人。典印典祠典禮三署典印典祠典禮各一人。典
儀仗司吏目一人。賓輔三伴。賓友教授進對侍坐。稱名
不稱臣。見禮如賓師。

是月文皇來朝

燕王來朝。行皇道入。登陞不拜。監察御史曾鳳韶劾王
不敬。帝曰。至親勿問。戶部侍郎卓敬密奏曰。燕王智慮
絕人。酷類先帝。夫北平者強幹之地。金元所由興也。宜
從燕封南昌以絕禍本。夫萌而未動者幾也。量時而為
者勢也。勢非至勁莫能斷。義非至明莫能察。帝覽奏大

昭代典則

卷十二

十四

驚疑異日語。敬曰。燕王骨肉至親。何得及此。曰。楊廣隋
文非父子耶。帝默然良久曰。卿休矣。事竟寢。

二月丁巳。帝祀先師於太學。○北平按察僉事湯宗上奏
言。按察使陳瑛受燕府金錢有異謀。逮瑛安置廣西。
○燕山左護衛百戶倪亮上變告逮。燕府官旗于諒周鐸
等伏誅。○勅都督宋忠率兵屯開平。都督徐凱練兵臨清。
都督耿璘練兵山海關。○召燕府胡騎指揮開童等還京。
○遣戶部右侍郎夏原吉都御史暴昭等二十四人充採
訪使。巡行天下。問民疾苦。○京師地震。監察御史尹昌隆
上疏。貶為福寧知縣。○夏四月。召湘王柏於荊州。柏自焚。
平。○召齊王恃留京師。誅其護衛指揮柴直等。幽代王桂

於大同繫岷王梗於雲南並廢為庶人○五月選補儒李

官
先是學官缺用舉人及中試監生通經儒士至是詔天下凡在任才入流官及坐法謫戍已更者但通經薦試俄又詔衛官舉通經軍士聽布按二司試上吏部銓用六月召解縉為翰林院待詔○秋七月文皇起兵于燕號靖難北平右布政使郭資都指揮張信遂降掌布政司事侍郎張昂都指揮使謝貴燕府長史葛誠伴讀余逢辰皆死之

先是文皇入朝還國即托疾久之僉事湯宗百戶倪諒一等屢上變告燕府長史葛誠伴讀余逢辰頗聞其謀嘗昭代典則 卷十二 十五

諫之文皇稱病篤大暑圍火爐搔顙曰寒甚寒其宮中亦杖而行北平三司官入問疾葛誠余逢辰密告張昂謝貴曰殿下本無恙公等勿解防恐一旦不可測初昂至北平以吏李友直機警寄心腹令訪府中事友直輒先事泄昂謀以故府中得為備時蘇州妙智菴僧姚廣孝洪武中以詔選高僧侍文皇文皇嘗出對聯云天寒地凍水無一點不成冰廣孝對云國亂時危王不出頭誰作主又承運殿鳴吻墜地文皇心惡之廣孝云他要換顏色矣謂以黃易綠也因焚助出師運籌帷幄有燕山右護衛指揮僉事張玉及燕山中護衛副千戶朱能遂請文皇起兵文皇曰昂貴已先防非計禽二人不可

會書其密謀踪跡即發符逮府中官校又令昂貴以兵內應文皇盡縛官校置庭中召昂貴入與械去昂意文皇見兵大集窘不得已縛府中人獻朝廷不妄與謝貴入至端禮門內伏兵起縛昂貴二人文皇擲杖起立曰我何病為爾輩所逼耳昂貴不服皆死之北平都指揮彭二聞殺昂貴急跨馬大呼市中集兵得千餘人欲入端禮門文皇遣健卒廳來與丁勝格殺二兵亦散文皇大恨葛誠遂殺誠族其家余逢辰泣諫死之北平九門謝貴先皆立柵朱能張玉遂焚諸柵奪九門撫綏城內外三日悉定都指揮使余瑄既與謝貴合謀不遂乃走守居庸開馬宣卷戰不勝東走薊州宋忠自開平率兵三萬至居庸開不敵進退保懷來○文皇上書言皇考太祖高皇帝艱難百戰萬死一生定天下成帝業傳之萬世封建諸子鞏固宗社為磐石安不幸皇考賓天陛下嗣承大寶而奸臣齊泰黃子澄輩包蓄禍心恣讒奮毒假陛下之威權剪皇家之枝葉煽傳柏桂梗五弟不數年間並見剗奪雖有愆過未聞不軌輒削王爵奪玉土轉徙流離行路矜惻柏尤可憫闔室自焚聖仁在上胡寧忍此蓋非陛下之心皆奸臣所為也心尚未足又以弒臣臣守藩于燕二十餘年寅畏小心奉法循分陛下嗣統以來臣事君之誠明於皎日誠以君臣大分皆

昭代典則

卷十二

十六

肉至親。恒思加慎。爲諸王先。而姦臣跋扈。蔽陛下之聰。明誣直爲枉。加禍無辜。執臣奏事人。鑒楚刺。莫備極苦。毒迫言臣謀不軌。遂分布宋忠。謝貴。張昂等於北平城內外。甲馬馳突於街衢。鉦鼓喧鞠於遠邇。圍守臣府。周匝嚴密。小大凜凜。如臨湯火。已而護衛人執貴昂。始詢知奸臣欺詐之謀。號地呼天。踴踊無訴。竊念臣於懿文皇帝。太子同父母兄弟也。今事陛下如事天也。權奸之心。不止害臣。譬伐大樹。先剪附枝。親藩夷滅。朝廷孤立。姦臣得志。社稷危矣。伏望陛下。廓日月之明。奮雷霆之斷。渙發德音。去此兇慝。以肅清朝廷。以永安宗社。以保全親藩。遙仰天門。敬摠愚懇。惟陛下念之。臣又竊計姦權。

昭代典則

卷十二

十七

之黨。必已蟠結深固。恐陛下未易除之。伏覩祖訓有云。如朝無正臣。內有奸惡。則親王訓兵待命。天子密詔諸王統領鎮兵討平之。臣謹俯伏俟命。惟陛下念之。念之。甲戌通州衛指揮房勝以城降于靖難兵。○丙子北平都指揮使馬宣起兵薊州。出戰被執死之。

文皇帝將南出。張玉曰。不先定薊州。將爲後患。文皇帝命王討之。馬宣起兵西迎拒戰不利。退守薊州。玉至諭之不下。環城攻之。宣率衆出戰。又敗被執。罵不絕口。遂死之。

遵化衛指揮蔣玉密雲衛指揮鄭亨皆以城降于靖難兵。○甲申靖難兵攻懷來錦衣衛指揮宋忠。北平都指揮使

項彭聚孫泰兵敗皆歿之。

余瑛守居庸。簡練闕卒。得數千人。將進攻北平。文皇帝曰。居庸險隘。北平之咽喉。我得此。可無北顧憂。瑛若據此。拊我背。宜急取。緩則增兵。繕守。後難圖矣。令指揮徐安。鍾祥等。擊瑛。瑛且守且戰。援兵不至。乃棄關走。懷來依宋忠。文皇帝曰。宋忠握兵。懷來必爭。居庸宜乘其未至。擊之。遂出精兵八千。卷甲倍道趨懷來。獲謀。言忠謂諸將士。家在北平者。並爲燕府誅滅。盡努力復家。報國恩。文皇帝急令其家人。張故旗幟爲先鋒。呼其父兄子弟。相問勞家無恙。輒喜。罵宋都督敗我。倒戈走宋忠。倉卒列陣。未成。文皇帝一麾渡河。大戰。都指揮孫泰先登。頗有斬獲。文皇帝擇善射者並射。泰中矢流血被甲。慷慨暴血力戰。奮呼陷陣死之。宋忠敗走入城。都指揮彭聚力戰而死。忠與余瑛同被執。不屈死。當是時。諸將校爲靖難兵所俘者。百餘人。皆不肯降。發憤歎。大半不可考矣。

昭代典則

卷十二

十八

丙戌永平指揮趙彝郭亮以城降于靖難兵。○庚寅大寧守將卜萬引兵進攻遵化。以闕下獄。

都指揮卜萬與其部將陳亨劉貞引大寧兵號十萬出松亭關。駐沙河。進攻遵化。文皇帝聞之。援遵化。萬等退保松亭關。陳亨陰欲輸款於燕。畏萬不敢發。文皇帝貽萬書。盛稱萬而極詆毀亨。絨誠牢密。召所獲大寧卒。解縛厚賞之。置書衣中。俾歸密與萬。故使同獲卒見之。尋遣與

俱而不與賞其不得賞者大恚至即發其事陳亨劉貞
搜賞卒不得與萬書遂縛萬下獄聞於朝籍其家

以長與侯耿炳文為征虜大將軍駙馬都尉李晔為左副
將軍都督審忠為右副將軍帥師北進

詔天下曰朕奉高皇帝遺訓繼承大統宵衣旰食思圖
善以安民豈意國家不幸骨肉之親屢誅僭逆去年周
庶人櫛潛為不軌辭違燕齊湘三王朕以親親之故不
忍暴其過止正櫛罪餘皆不問今年齊王榑謀逆事覺
推問犯者又言與湘王柏燕王某同謀大逆柏自知罪
惡難逃先自焚死榑已廢為庶人朕以燕王於親最近
未忍究其事今乃稱兵犯闕不得已遣長興侯耿炳文
昭代典則 卷十二 十九

等率兵三十六萬往討其罪咨爾中外臣民軍士各宜
懷忠守義與國同心永安至治祭告天地宗廟社稷書
諭諸王

命安陸侯吳傑江陰侯吳高都督都指揮盛庸潘忠楊松
顧成徐凱李文陳睥平安等率師並進

時帝方銳意文治日與孝孺等討論周官法度以謂止
兵不足憂黃子澄謂北兵素強且兼有營薊州之旅不
早禦之恐河北遂失又請命安陸侯吳傑等各率偏師
步騎號百萬數道並進期直搗北平檄山東河南山西
三省合給軍餉

置平燕布政使司于真定以刑部尚書暴昭掌布政司

○八月靖難兵克雄縣執都督潘忠楊松

是時耿炳文兵至真定徐凱兵駐河間潘忠楊松駐薊
州張玉謂文皇曰都督潘忠楊松扼吾南路宜先擒之
文皇悅隨率眾渡白溝河圍雄縣分玉為先鋒破其東
門盡殺守陴卒屠居民潘忠楊松兵度月棧橋援戰遇
伏大敗破執文皇進至薊州奪戰馬輜重耿炳文部將
張保來降

靖難兵至真定耿炳文逆戰敗績李旼審忠顧成皆被執
顧成遂降于靖難兵

張保之降也言炳文兵三十萬先至者十二萬分營滹
沱河南北文皇厚撫保遣歸詐言保兵敗被執幸守者
昭代典則 卷十二 二十

因得脫竊馬歸又令言雄鄭敗狀燕兵旦夕且至令河
南兵北移得併力破之易炳文聞保言果移南營過河
壬戌文皇至真定炳文出城逆張玉朱能譚淵與戰炳
文大敗奔還朱能與耿死士三十餘騎追奔至滹沱河
東炳文家尚數萬復列陣向能奮勇大呼衝入炳文
陣陣众披靡自相蹂躪死者無算棄甲而降者三千餘
人於是李堅審忠顧成及都指揮劉燧皆被執文皇謂
堅至親送北平道後卒謂成先朝舊人解其繫與語曰
豈非皇考之靈以汝授我乎因語以不得已興師之故
言已泣下成亦泣遂遣人護送北平令輔仁宗居守
文固守真定靖難兵攻城三日不能下文皇還北平

文老將善戰至是敗建文帝始有憂色

以曹國公李景隆為征虜大將軍北進召耿炳文還

建文帝聞炳文敗謂黃子澄曰柰何子澄對曰勝敗兵

家常事無足慮今天下全盛士馬精強兵甲堅利糧餉

充足區區一隅豈足當天下之力調兵五十萬四面攻

之家寡不敵必成擒矣曰孰堪將者乎子澄曰景隆可

以當之前不用炳文而用景隆豈有此失遂遣景隆代

炳文

命高巍參贊李景隆軍務○御史韓郁上言時政

郁上言諸王親則太祖遺體貴則孝康皇帝手足尊則

陛下叔父使二帝在天之靈子孫為天子而弟與子遭

昭代典則

卷十二

十一

殘戮其心安乎夫唇亡齒寒人人自危周王既廢湘王

自焚代府被催而齊臣告王反矣為計者必曰兵不舉

則禍必加是朝廷執政激之使然燕舉兵兩月矣前後

調兵不下五十餘萬而一矢無獲謂之國有謀臣可乎

陛下不察不待十年悔無及矣幸釋代王之囚封湘王

之墓還周王于京師迎楚蜀為周公俾各命世子持書

勸燕罷兵于藩篤厚親親撥亂反正宗社幸甚不聽

谷王穗還京師○召遼王植寧王權還京遼王至徙封荆

州寧王不至削其護衛○九月吳高耿璈楊文帥兵圍永

平靖難兵起援高等退保山海關高尋以間徙廣西

吳高總兵守遼東與都督耿璈楊文率遼東兵圍永平

文皇遂還眾援永平高等退保山海關文皇曰高雖怯

行事差密文勇而無謀夫高文不足慮也乃遣人遣二

人書盛譽高詒文放易其函投二人所二人得書並聞

之建文帝竟疑高削爵徙廣西獨命文守遼東耿璈救

請攻永平以動北平文不聽

李景隆進營河間吳傑兵潰於真定傑追還京誦為南寧

衛指揮使○冬十月靖難兵襲破大寧都指揮譚朱鑑死之

文皇曰曩予巡塞上見大寧鎮采顏諸夷驍勇善戰戍

卒皆閭左罪誦不能寒吾取大寧斷遼東得胡兵助戰

吾事濟矣遂率銳卒千人倍道趨大寧遣書寧王言窮

蹙求許吾弟寧王邀文皇單騎入城執手大慟言不得

昭代典則

卷十二

十二

已至此南兵百萬旦夕且破北平非吾弟未奏吾死矣

寧王為草表謝請放居數日款洽不為備文皇銳兵出

伏城外諸親密吏士稍上得入城遂令陰結諸胡酋

及閭左思歸之士皆甚定約文皇辭去寧王餞郊外伏

兵起執寧王諸胡士卒一呼皆集守將朱鑑力戰不支

被縛罵不絕口死之寧王權都指揮房寬遂降乃下令

安撫城中頃刻而定劉貞陳亨自松亭關引兵來援亨

及營州中護衛指揮徐理陳文皆降因襲貞破其營貞

夜負勅印由海道出福建還京

李景隆攻北平靖難兵以大寧諸軍三衛騎趨援景隆

攻奔德州

景隆聞文皇攻大寧遂引兵渡盧溝橋攻北平築壘九門景隆攻麗正門幾破城中婦女並棄城擲瓦石景隆令不嚴驟退北平守益堅景隆別將攻通州敗績甲寅文皇盡拔大寧諸軍及兀良哈三衛胡騎拔寧王入松亭關趣援北平十一月庚午景隆移營白河西先鋒都督陳睥渡河而東遇文皇兵於鄭村壩逆戰敗績景隆七營兵合戰皆潰景隆盡棄其輜重拔其衆南奔駐德州癸酉九門壘兵皆潰○乙亥文皇再上書言臣叨奉宗藩見惡權奸橫加大戮上書自陳今歷三月未蒙垂察疊發大兵討罪不已竊聞朝廷論臣有不軌之事入謹陳其詳惟陛下垂察其一謂臣護衛踰額祖訓職掌

昭代典則

卷十二

三

條王府官軍不拘數目各王府皆然此奸臣枉臣一也二謂不當無事操練軍馬祖訓兵衛條王教練軍士遍數不拘此姦臣枉臣二也其三謂臣不當於各衛選用官軍祖訓軍職條王府武官千戶百戶從王於所部軍職內選用開奏直詣御前頒降詔勅此姦臣枉臣三也其四謂臣私養驍壯健卒不洪武中歸附處於北平皇考命於護衛歲給衣糧備虜此姦臣枉臣四也其五謂臣招致各處異人術士養於府中且夕論議為非竟無主名此姦臣枉臣五也其六謂臣府中守禦四門不當偕擬皇城守禦之制更甚嚴密祖訓兵衛條凡王府守禦宿衛護衛均番此姦臣枉臣六也其七謂臣宮室

修此皇考所賜祖訓營繕條燕因元之舊非臣僭越此姦臣枉臣七也其八謂臣第二子高煦遺涿州擅啓驛官此臣失教然啓一驛官遂指為臣不軌之迹寃監已甚何以服天下後世此姦臣枉臣八也且陛下與臣肯出太祖高皇帝孝慈高皇后外屬最親姦臣猶得誣以極惡則疎遠小臣天下細民欲寃死地可望雪理耶其不濁亂天下傾危宗社不已也蓋今諸王之中臣序為長周齊湘代岷五府已去獨臣未去臣去則楚蜀秦晉諸國不難去矣寧王無罪此又削其護衛警諸人身手足皆去身能全乎伏望陛下鑒臣愚誠思宗社大計斷然不惑去此姦惡臣頓首頓首○文皇傳檄言我父皇

昭代典則

卷十二

三

奉天承運華夷一統長子立為皇太子餘子封王各守藩屏以為子孫萬代計不幸皇太子薨逝秦晉二王繼殯父皇慈念皇太子遂立其次子為皇太子孫居東宮洪武三十一年閏五月十日父皇賓天皇太子孫即位我諸王不敢以叔道尊元臣子之情至矣盡矣帝年幼冲任用奸邪小人屏棄典刑殘害骨肉天變屢見恬不脩省此皆齊尚書黃太卿左班文職等官譏佞于君恣行不道今天下但知有齊尚書等不知有皇帝皇帝被姦臣惑溺父皇陵土未乾周代湘齊岷五王相繼寃流齊尚書又使惡少譏貴等為北平都司官張昂為布政司官與本府長史黃誠合謀六月圍我王墻柵我王門殺

我守王城卒諸軍披十執以鉦鼓叫呼聲震城野七月

初旬且引兵入王城以都指揮張信言洩其奸不得已

起兵擒獲逆賊謝貴守七月十六日擒宋忠殺都指揮

孫泰余瑱八月十六日破雄縣擒都督潘忠楊松二十

五日破真定走耿炳又擒左副將軍駙馬李堅右副將

軍賓忠右都督顧成亦指揮劉燧江陰侯吳高都督耿

璪楊文以遼東兵圍亦平予直抵永平高等夜遁還兵

大寧都指揮房寬來降殺朱鑑都督劉貞陳亨守松亭

關不肯來降余襲破其營擒亨貞單騎遁去大寧遂平

未幾齊尚書黃太卿等左班文職又矯詔曹國公李景

隆領兵五十餘萬十月十六日攻北平圍城甚急予以

昭代典則

卷十二

三五

寡敵衆景隆大敗斬百十萬九千餘級景隆夜遁去予
本太祖高皇帝親子母孝慈高皇后皇太子親弟忝居
諸王之長禮曰父之仇不共戴天兄弟之仇不反兵今
姦臣齊尚書黃太卿等余必不與共戴天也故用欽遵
祖訓統兵三十萬誅討左班文職奸臣傳檄天下藩屏
諸王暨官吏軍民咸使知朝廷左班文職奸臣大逆不
道我父皇之仇爲子者義在必報也

十二月庚申靖難兵攻廣昌守將楊宗以城降○薊州鎮
撫曾瑋起兵攻北平不克死之○復以茹瑺爲兵部尚書

○初令武官襲替兵部會五府取旨○省躬殿戒

殿在乾清坤寧二宮間爲退朝燕息之所置古經訓訓

其中以尚父丹書之旨夏書色音宮室之戒命方孝孺

爲銘

從肅王樸於蘭縣○公恭贊軍務高巍使北平

高巍上書言願使金無披忠膽大陳義禮曉以禍福及親

親之誼遂遣往燕公自稱國朝處士臣某上書燕國大王

其詞曰志慕仲連子善與人排難解紛名世不朽我大

祖升遐遺詔內外臣民同心輔政我聖明天子嗣登寶

位誕布維新之政下養老之詔天下咸戴奚啻考妣朝

野皆曰內有聖明君王外有骨肉藩翰帝王之治可待

不意大王與朝廷有隙張皇三軍抗禦六師竟不知其

意何出在朝諸臣執言伏義以順討逆臣以爲動于戈

昭代典則

卷十二

三六

孰若和解使帝者復帝王者復王君臣之義大明骨肉
之親愈厚臣所以得奉明詔置死度外來見大王欲盡
一言求頸血汚地者稱臣宿許太祖生當殞首死當結
草之願也昔周公間流言卽避位居東若大王始知謀
逆者擒送京師或戮而奏聞或解其護衛或質所愛子
孫釋骨肉猜忌之疑塞讒賊離間之口不與周公比隆
哉慮不及此遂檄遠邇大興甲兵襲彊宇任事者得籍

口以爲殿下假誅左班文臣實欲效漢吳王倡七國以
誅晁錯爲名家必自毀然後人毀之恐一奸雄豪傑鳩

集無賴因時乘釁率衆數萬突起而橫擊之萬一有六

大王獲罪先帝矣今八王據北平取密雲下永平

縣掩真定。易君建瓴。但自興兵以來。經今數月。尚不能出區區蕞爾一隅之地。較以天下十五。而末有一焉。大王將士殆亦疲矣。兄朝廷天下無限之師。大王以一國有限之衆。應之大王。同心之士。大約不過三十萬。大王與我聖天子。義則君臣。親則骨肉。尚生離間之疑。况三十萬異姓之士。可保終身。困迫而死於殿下乎。大王信臣言。上表謝罪。按甲休兵。朝廷寬宥。再脩親好。天意順人心和。太祖在天之靈。亦安矣。不然。執迷不回。僥倖倖事。恐與伯夷叔齊。泰伯仲雍。求仁讓國之義。徑庭矣。幸而兵勝得成。後世公論。謂何倘有蹉跌。取譏萬世。於是時也。追復臣言。可得乎。薊白髮書生。蜉蝣微命。生死不昭代典則 卷十二 五

懼者。但久蒙太祖教養。無能補報。洪武十七年。旌表愚臣孝行。臣竊自負。既為孝子。當為忠臣。死忠死孝。臣至願也。書再上不報。

庚辰二年春正月丙寅。靖難兵攻蔚州。守將王忠李遠以城降。○二月丁酉。靖難兵進攻大同。○甲子。改都察院為御史府。以都御史景清為御史大夫。革十二道置一察院。詔曰。頃以治獄煩興。易御史臺。號都察院。與刑部分理庶獄。今賴宗廟神靈。斷獄頗簡。其更都察院。仍漢制為御史府。專糾貪殘。舉循良。匡政事。宣教化。為職省御史。員定為二十八人。務為忠厚。以底治平。胡虜可汗坤帖木兒及瓦剌王猛哥帖木兒皆款北平。

李景隆率兵援大同。○文皇還北平。○保定知府進文。降子靖難兵。○三月丙寅朔日有食之。○策試禮部貢士。賜胡靖王良李貴等。百一十人進士及第出身者有差。○以胡靖王為翰林脩撰。楊榮楊溥為翰林編修。金幼孜為戶科給事中。胡濙為兵科給事中。○改詹事府為御史府。賜御史大夫宴於新署。監察御史衣人一襲。○武臣犯法被黜者皆叛走。降于靖難兵。盡復故官。○夏四月。李景隆郭英等約攻北平。及靖難兵大戰于白溝河。敗績。景隆走德州。遂奔濟南。

先是建文帝遣中官賜景隆璽書及斧鉞。渡江忽大風雷雨暴至。舟破盡沉。諸江至是復賜景隆景隆益專恣。昭代典則 卷十二 五

紀律不嚴。號令煩數。諸將玩之。夏四月。景隆與郭英吳驥武清。癸丑。景隆軍至河間。先鋒參將平安至白溝河。郭英等自真定移營保定。期會白溝河。文皇進至固安。乙卯。營中大雨。平地水深二尺。已未。文皇率衆渡白溝河。平安伏精兵萬騎。邀擊之。文皇曰。平安堅子從吾出塞。征胡。識吾用兵以故。先鋒今日吾且破之。使心膽俱喪。安驍勇善戰。互。聯營白溝河。藏火器一。窠峰。搗馬丹地中。人馬遇之輒爛。夜與靖難兵大戰。文皇從三殿後。迷失道。下馬伏。

地視河流辨東西始知管在上流倉卒渡河而北庚申
文皇復率眾渡河景隆諸軍進戰破文皇後軍房寬狼
狽走文皇率眾復戰驍將瞿能父子皆戰沒景隆麾諸
騎兵乘敵後文皇見張玉未能立福陣動急又見陣後
塵起曰敵繞出我後矣馳騎赴之戰其力左右曰敵眾
我寡難與持久宜退就玉等併力景隆等呼噪益進矢
石俱發注如雨文皇馬三易三被創矢三服並射盡乃
持劍奮擊劍又缺折急走登隄伴麾鞭若招後繼者景
隆等疑有伏不敢上隄而文皇復率眾馳入陣陣動會
旋風折大將旗景隆軍大亂文皇乘風縱火燔諸營郭
英等潰而西景隆潰而南棄輜重器械蓐畜萬萬計

昭代典則 卷十二

五九

景隆軍棄斧鉞盡為靖難所獲殺溺死者二十萬人文
皇復追至月樣橋降十萬餘人景隆單騎走德州壬戌
文皇遣人攻德州五月辛未景隆自德州奔濟南癸酉
靖難將陳亨張信入德州奪軍餉百萬轉掠濟陽儒學
教諭王省被執從容引警詞義慷慨眾乃舍省省歸坐
明倫堂伐鼓聚諸生謂曰若等知此堂何為名明倫今
且只說君臣之義何如省大哭諸生亦哭遂以頭觸柱
死參贊高巍參政鐵鉉皆自臨邑入濟南

五月靖難兵圍濟南景隆出戰敗績參政鐵鉉參軍高巍

禦却之

五月丁丑文皇率眾趨濟南已卯景隆出兵合戰城下

敗績奔入城文皇圍濟南攻之急鐵鉉參政高參軍徐
軍盛統兵高愈意宋參軍張都統王太守王府校悉力
防禦大挫靖難兵辛巳文皇隄水灌濟南濟南人大懼
鐵鉉參政曰無恐計且破之不二日通矣令登陴人皆哭
呼曰旦日且降盡輟守具出千人城外伏地請降又請
還兵十里無驚動城中人文皇大喜是時文皇在軍逾
年從來賊守其苦僅得永平保定及北平三府諸府縣
被破或堅守不肯降至是聞濟南降曰濟南中原要會
得濟南則南北即不下金陵畫中原自守徐圖江淮遠
下今更軍受降軍中大喜呼萬歲鐵鉉參政懸鐵板城門
下伏兵發斷橋橋不可動文皇得過橋復合兵圍濟
南鐵鉉參政守陴者罵文皇靖難軍大怒攻益急鐵鉉政
隨機應敵間出兵承敗靖難兵

昭代典則 卷十二

三十

橋文皇乘肩輿張蓋率勁騎數人渡橋直至城下城門
間守陴者皆登城伏堵問文皇比入門門中人即呼千
歲鐵鉉板丞下傷文皇馬首文皇棄馬取從馬走走至橋
橋下伏兵發斷橋橋不可動文皇得過橋復合兵圍濟
南鐵鉉參政守陴者罵文皇靖難軍大怒攻益急鐵鉉政
隨機應敵間出兵承敗靖難兵

和督僉事朱榮棄師還京伏誅○六月遣尚寶司丞李得
成使燕議罷兵秋七月李得成還自平南下欲既而釋之
○平安率兵進次單家橋○八月靖難兵攻濟南不克解

去

文皇攻濟南急鐵鉉參政鐵鉉盛統兵庸夜出劫戰盡悉城

防禦盡綏靖難諸攻具靖難兵解南去建文帝即軍中
陟鉉兵部尚書封庸壘城侯食祿千石宋參軍說欽曰
濟南天下之中北兵今南去其留守北平者類若弱且
永平保定雖新設郡守堅守者寔多郭有政董書生公
能出奇兵陸行抵真定南朝諸將遠近皆歸而收合不
數日可至北平其間家保百聞義而起者公便宜部署
號召招徠之北平可破也北平破北兵回顧家室必散
歸徐沛間素稱驍勇公檄諸守臣倡義集勇候北兵歸
合南兵征進者晝夜緝之公館穀北平休養士馬迎其
至擊之彼背腹受敵大難旦夕平耳欽以軍餉盡於德
州城守五月士卒困甚而南將皆驚材無足恃莫若固
守濟南牽率北兵使江淮有備北兵不能越淮歸必道
濟吾邀而擊之以逸待勞全勝計也乃設宴天心水面
亭犒問辛苦述賦賡歌激發忠義高巍賦曰至濟南而
被圍思張巡之忠堅幸遇知己之鐵相更從英輩以雲
聯若徐將軍之赴赴盛統兵之桓桓金憲高公之糾謾
大參宋公之周旋掠陣張都統之能勇給備王太守之
從權吾道王府校之論議斯文王肯播之勉旃眾資羣
策屈力保全所謂盛統兵者盛庸也

盛庸進兵德州逐靖難將陳旭遁歸北平○承天門災詔
求直言○改方孝孺為文學博士以楊榮楊溥為翰林編
脩○九月承天門成改為臯門遂改午門為端門端門為

昭代典則

卷十二

三十一

應門前門為路門○乙丑文皇至北平○冬十月更定歷
爭監生選法

凡歷事一年為滿考分三等上者即授官次下者再歷
一年復考考上者亦即授官次量材選授下還國子監
讀書

置威武中衛募健武充衛壯士○山西清遠衛卒羅義上
書下欲既而釋之

義詣闕上書乞息兵講和又上文皇書言殿下聰明英
武今之周公也宜謹守燕上以法周公輔成王之義嘗
聞夷齊以國相讓去隱首陽聖賢欲成天下之事必先
明順逆之理成敗之勢禍福之機又得天道之宜人心

昭代典則

卷十二

三十一

可况萬難無一易哉乞早息兵歸國書上下義獄後出
獄中擢戶科給事中

平安及靖難兵戰于鏹山斬靖難將陳亨○靖難兵破滄
州守將徐凱陷于靖難兵

時平安吳傑駐定州盛庸駐德州徐凱陶銘駐滄州相

為犄角以困北平滄州城潰凱銘督士卒修城文皇佯
出攻遼東至通州循河而南渡直沽晝夜兼行至滄州

城下列營凱等始覺倉卒收築城具中戰敗績入城守
文皇攻破其東北凱及都督程暹都指揮趙許胡原
英張傑皆被執文皇飲凱等酒遣歸凱等謝願留